



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

LXVIII. Rvtbertvs. XLII. Arch.

[urn:nbn:de:hbz:466:1-64326](#)

tum in Ruotgero operata est effectum, ut S. Eucharii ædem, & huīus bona à violentis raptoribus afflīcta, restitutis possessionib⁹, strenue vindicārit. At non tam bonorum terrestrium, quām morum optimorum assertor strenuus an. 925. Treviris Concilium unā cum Suffraganeis & Clericis suis adornavit, præsentibus Adalberone Metensi, Barnoino Verdunensi, & Drogone Leucorum Episcopis. In eodem decretis variis solutior Ecclesiasticorum disciplina arctiūs restricta, & liber ab ipsomet Ruotgero conscriptus, quem tanquam Ecclesiasticarum Sanctionum synopsin summns omnium assensus laudavit. Virorū literis addictorum æstimatorē fuisse testatus est Flodoardus in seculo ferreo vir aureus, qui cohoratione Archipræfulis accensus, Poematum octodecim libros, nimirum tres de triumphis Christi Sanctorūmque Palæstinæ, ac quindecim alios de triumphis Sanctorum Italiæ conscriptos ad Ruotgerum misit, atque ejusdem nomini inscriptos dedicavit, qui hodie supersunt in Metropolitanā bibliotheca Trevirensi, Annus vitæ ultimus Ruotgero fuit 930. Sedis 12.

LXVIII. RVOTBERTVS. XLII. ARCH.

Rerotbertus ritè eligentium suffragiis vocatus, ut ait Brovverus, *Vir Regali prosapia, & in obeundis Pontificiæ dignitatis muneribus aeris & vigilantis ingenii.* Pater ei Rudolphus burgundia Rex, qui nuper Franciam, atque ingenti virtute partum Italie regnum Berengario fuso atque fugato aliquamdiu tenuit. Mater Bertha, Arnolphi Bojarie Ducis filia. Sororem habuit Adelheidem, primū Lothario Regi Italie, inde magno Ottoni Imp. connubio sociatam, cuius nobilissimæ fœminæ in Ecclesiam Trevirensem meritorum extant egregia documenta. Talis ac tanti Archiepiscopi auspiciis translatio D. Magnerici Episcopi ad D. Martinum est celebrata; D. Maximini Basilica recens extructa ac consecrata, nec non quinque Episcoporum Trevensum Reliquiæ, nimirum DD. Agridii, Maximini, Nicetii, Basini & Veomadi ibidem sunt reconditæ. Dum pro Divornm honore, & Dei perinde gloria tantopere sollicitus fuit Ruotbertus,

Sup-

rūm utique beneficio Otto Imperator, & Rex Lotharingiæ antiqua Trevirensis Ecclesiæ privilegia, adjectis novis confirmarunt. Non ita favere visus est Agapitus II. Pontifex una alterave sententiâ contra Ruotbertum latâ. Annus seculi X. agebatur 56. cùm grassante pestilentia morbo per Coloniam, & latè viciniam, Ruotbertus eadem iue infectus, in celeberrimo Procerum conventu, Ruotgero & Frodoando testibus, Coloniæ extinctus est annorum 26. Archipræsul.

LXIX. HENRICVS. XLIII. ARCH.

Henricus Ottonis M. Cæsaris vel affinis, vel sanguinis vinculo propinquus, cum D. Wolfgango primùm in Augia Divitie, postea Herbipoli sub Popponis fratris disciplina hausit virtutem ac doctrinam. Valuit ea doctrina & virtus unà cum Cæsaris authoritate, ut in Trevirensium Sedem viduam fuerit admissus ab Electoribus Canonicis. Societatis vinculo Trevirovs pertractus etiam D. Wolfgangus, ac ibidem in æde principe Decanus creatus, argumentis multis id præstítit, ut Canonici unam in domum mœnibus cinctam convenire, ac normam vitæ universis communem amplecti præclarè cœperint. Anno 958. Henricus in foro Crucifixi DEI prægrandem imaginem religio- nis causâ excitavit, postquam cœlesti ostento hominum vestimenta passim notari crucis signo conspecta sunt. Paulò pòst Ottone Imperatore adversus Pontificem insurgente, & exercitum in Italiam ducente, eò profectus etiam Henricus, coñuni pestilentia malo per exercitum grassanti an. 964. Parmæ succubuit. Interea, & anno post obitum Henrici proximo cura Archi- episcopatûs D. Wolfgango est commissa. Sed. Henricus an. 8.

LXX. THEODORICVS XLIV. ARCH.

Theodoricus ex summæ ædis Archidiacono Trevirensium Archipræsul creatus an. 12. Ecclesiam suam felicissime
O
gu-